

## **Resoluziun CM/ResCMN(2014)6**

### **davart la realisaziun da la Convenziun da basa per proteger las minoritads naziunalas tras la Svizra**

*(deliberada dal Comité dals ministers ils 28 da matg 2014  
 a chaschun da la 1200avla sesida dals delegads dals ministers)*

Il Comité dals ministers, tenor ils artitgels 24–26 da la Convenziun da basa per proteger las minoritads naziunalas (qua sutvar «Convenziun da basa»);

sa basond sin la Resoluziun (97) 10 dals 17 da settember 1997 ch'enumerescha las reglas deliberadas dal Comité dals ministers areguard il mecanissem da surveglianza tenor ils artitgels 24–26 da la Convenziun da basa;

resguardond la regla da votaziun ch'è vegnida acceptada en connex cun la deliberaziun da la Resoluziun (97) 10<sup>1</sup>;

resguardond l'instrument da ratificaziun ch'è vegnì deposità da la Svizra ils 21 d'october 1998;

renviond al rapport che la Regenza svizra ha puttamess ils 26 da schaner 2012 en il rom dal terz ciclus da surveglianza da la Convenziun da basa;

suenter l'examinaziun dal terz Parairi dal Comité consultativ davart la Svizra deliberà ils 5 da mars 2013 sco er da la posiziun en scrit da la Svizra dals 15 da november 2013;

suenter avair prendi enconuschiantscha da las remartgas d'autras regenzas,

1. deliberescha las suandantas conclusiuns areguard la Svizra:

a) Svilups positivs

La Svizra mantegna sia tenuta constructiva envers la Convenziun da basa e ses sistem da surveglianza ed ha tschernì tut en tut ina metoda cumplexiva per l'agen champ d'applicaziun.

La Regenza svizra ha lantschà pliras iniziativas per refurmias giuridicas ed instituziunalas cun l'intenziun da proteger las minoritads naziunalas. Dapi il ciclus da surveglianza precedent èn vegnidas deliberadas duas leschas spezialmain impurtantias per las persunas appartengentas a las minoritads naziunalas.

L'onn 2011 ha la Svizra fundà il Center svizzer da cumpetenza per ils dretgs umans (CSDU). L'incumbensa principala da quel è da promover e da sustegnair la realisaziun da las obligaziuns internaziunalas concernent ils dretgs umans en Svizra, e quai sin plau federal, chantunal e communal.

La Lescha federala davart la promozion da la cultura è ina basa giuridica solida per survegnir subvenziuns dal maun public a favur dals viagiants sco er per rinforzar las cumpetenzas da la Fundaziun «In futur per ils viagiants svizzers».

La Lescha federala davart las linguis naziunalas e la chapientsha tranter las cuminanzas linguisticas (LLing) rinforza il rom giuridic per la promozion da la plurilinguitad e per l'utilisaziun pli consequenta da las quatter linguis naziunalas da la Svizra tras las autoritads federalas ed entaifer l'administraziun federala. Ella garantescha il tractament equal dal tudestg, franzos e talian e prevesa mesiras spezialas per sustegnair il rumantsch. La promozion da la plurilinguitad è oramai in element essenzial en connex cun la realisaziun da la Cunvegna interchantunala davart l'armonisaziun da la scola obligatorica (Concordat HarmoS).

<sup>1</sup> En connex cun l'acceptaziun da la Resoluziun (97) 10 ils 17 da settember 1997 ha il Comité dals ministers deliberà tranter auter la suandanta regla: «Ils conclus prendids tenor ils artitgels 24.1 e 25.2 da la Convenziun da basa valan sco acceptads, sche dus terzs dals representants da las parts contractantas che prendan part a la votaziun, inclusiv la maioritat dals representants da las parts contractantas che han il dretg d'in sez en il Comité dals ministers, approveschan quels.»

La Svizra cuntascha cun sias grondas stentas en il sectur da l'instrucziun da las linguas minoritaras ed en las linguas minoritaras ed ha dacurt amplifitgà il barat linguistic per promover la chapientscha vicendaivla spezialmain en las instituziuns da fumazion en Svizra. La purschida d'instrucziun en rumantsch e talian resta cumenttaivla. Ultra da quai han numerus chantuns elavurà mesiras positivas per promover la plurilinguitad da las persunas d'instrucziun e dals scolars en traes linguas naziunalas (tudestg, franzos e talian).

b) Temas che fan quitads

La situaziun generala dals viagiants chaschuna anc adina gronds fastidis, perquai ch'il problem chaschunà tras la mancanza da plazzas da staziunament e da transit è vegni schlià mo per part ils ultims 10 onns. Il dumber da plazzas da staziunament n'è strusch creschi e la situaziun da las plazzas da transit è schizunt sa pegiurada.

I vegn rapportà da cumportaments generalmain discriminants, tranter auter da cas d'intoleranza envers tschertas gruppas, e la frequenza da las manifestaziuns publicas d'intoleranza da vart da tschertas partidas politicas è s'augmentada en connex cun l'iniziativa dal pievel cunter la construcziun da minarets da l'onn 2009.

En connex cun la realisaziun da la Lescha federala davart las linguas naziunalas e la chapientscha tranter las cuminanzas linguisticas (LLing) datti in basegn d'agir en l'administraziun federala tar ils collauraturs talians e rumantschs, ils quals èn anc adina sutrepresentads sin il stgalim da cader.

I vegnan annunziads mo paucs cas da discriminaziun, quai ch'è in indizi che la societat svizra è infurmada mo insuffizientamain davart las prescripcions giuridicas respectivas e davart ils meds legals che stattan a disposiziun. Ina lescha generala cunter la discriminaziun è indispensabla.

La Fundaziun «In futur per ils viagiants svizzers» n'ha anc betg avunda meds finanzials e persunals per cuntanscher soluziuns adattadas areguard las plazzas da staziunament e da transit.

I na dat nagina procedura d'audiziun efficacia che garantescha ch'ils interess dals viagiants vegnian communitgads sin plau interchantunal a las differentas autoritads localas che s'occupan da dumondas davart questa minoritat. L'acceptanza sociala da la moda da viver dals viagiants pudess vegnir meglierada. Plinavant pari che la scolaziun dals uffants dals viagiants che pratitgeschan ina vita nomada n'è betg garantida correctamain, sche queste uffants èn en viadi cun lur geniturs.

2. deliberescha las suandantas recumandaziuns areguard la Svizra:

Ultra da las mesiras ch'èn necessarias per realisar las recumandaziuns detagliadas en las parts I e II dal Parairi dal Comité consultativ vegnan las autoritads supplitgadas da prender las suandantas mesiras per meglierar vinavant la realisaziun da la Convenziun da basa:

**In agir direct è necessari en ils suandants secturs<sup>2</sup>:**

- Il Comité consultativ appellescha puspè a las autoritads d'eliminar uschè svelt sco pussaivel la mancanza seriusa da plazzas da staziunament e da transit per ils viagiants. Mesiras resolutas èn necessarias per intimar instantamain tut ils acturs sin plau federal, chantunal e communal da s'occupar en emprima prioritad dals problems dals viagiants, e quai en il rom dals plans naziunals da l'organisaziun dal territori. Ultra da quai ston vegnir sanadas plazzas manglusas e ston vegnir prendidas mesiras da sensibilisaziun en la publicitat, tar las vischnancas e tar ils proprietaris da bains immobigliars privats per favorisar fermativas spontanas.
- Il Comité consultativ appellescha a las autoritads da prender mesiras adequatas per cumbatter cunter las manifestaziuns da rassissem, da condemnar publicamain e senza retard tut las furmas d'intoleranza, inclusiv en il discurs politic, e da s'engaschar a favur da la promozion da la diversitat ed a favur da la toleranza entaifer la societat svizra.

<sup>2</sup> Las recumandaziuns suandan la successiun dals artitgels correspundents da la Convenziun da basa.

- Il Comité consultativ supplitgescha instantamain las autoritads da cuntinuar cun lur stentas per realisar cumplainamain las obligaziuns areguard ils dretgs linguistics da las personas appartegnentas a las minoritads naziunalas, ch'en francadas en la Lescha federala davart las lingus naziunalas e la chapientscha tranter las cuminanzas linguisticas (LLing), per effectuar dal tuttafatg l'egalitat da las lingus uffizialas en la pratica e per permetter a las personas appartegnentas a las minoritads linguisticas da duvrar lur atgna lingua en l'administraziun federala. Ultra da quai sto vegnir controllada vinavant lur represchentanza proporziunala en las structuras administrativas.

### **Ulteriuras recumandaziuns<sup>3</sup>:**

- Il Comité consultativ supplitgescha las autoritads d'infurmari pli savens la populaziun davart ils medys giuridics pussaivels cunter discriminaziun. Impurtant èsi cunzunt che las personas ch'en periclitadas spezialmain da la discriminaziun vegnian infurmadas en moda cumplessiva davart lur dretgs e davart ils medys legals che stattan a disposiziun ad ellas.
- Il Comité consultativ appellescha a las autoritads da reveder lur posiziun concernent ina lescha cumplessiva cunter la discriminaziun e da cuntinuar cun la registrazion sistematica da datas davart la discriminaziun per surveglier la situaziun.
- Il Comité consultativ appellescha danovamain a las autoritads d'augmentar cleramain l'agid finanzial public per las associaziuns dals viagiants, en spezial per la Fundaziun «In futur per ils viagiants svizzers», per che quellas disponian d'avunda medys finanzials per ademplir lur incumbensas. Quai vala en spezial en vista a las novas pussaivladadds che resultan da la Lescha federala davart la promozion da la cultura (LPCu), che ha tranter auter l'intent da possibilizar als viagiants ina moda da viver che correspunda a lur cultura. Sin plau chantunal ed interchantunal ston vegnir creads ed appligads mecanissemms efficazis per laschar vegnir a pled questas personas.
- Il Comité consultativ recumonda a las autoritads da rinforzar lur stentas per sensibilisar la populaziun per la moda da viver tradiziunala dals viagiants e da sustegnair il dialog intercultural, cun l'intent da promover la chapientscha vicendaivla, la confidenza e l'acceptanza da las tradiziuns, da la cultura e da la moda da viver da questa cuminanza.
- Il Comité consultativ supplitgescha las autoritads da sustegnair er vinavant activamain las medias da las minoritads linguisticas, dond spezialmain attenziun als basegns da la cuminanza linguistica taliana e da la minoridad linguistica rumantscha. El animescha plinavant las autoritads da facilitar als viagiants tras mesiras adequatas l'access a las medias e da sustegnair la promozion da la toleranza e da la diversidad culturala en las medias.
- Il Comité consultativ supplitgescha las autoritads da cuntinuar e da rinforzar – en il rom d'in dialog cuntinuant cun ils represchentants da questas minoritads – las mesiras prendidas per eliminar las difficultads ch'ils uffants dals viagiants che pratitgeschan ina vita nomada han areguard l'access a l'instrucziun.

3. envida la Regenza da la Svizra, tenor la Resoluziun (97) 10:

- a. da cuntinuar cun il dialog cun il Comité consultativ;
- b. d'infurmari regularmain il Comité consultativ davart las mesiras prendidas areguard las conclusiuns ed areguard las recumandaziuns formuladas en ils chapitels 1 e 2.

---

<sup>3</sup> Las recumandaziuns suondan la successiun dals artitgels correspundents da la Convenziun da basa.